

金石萃編

第六函
第六冊



金石萃編卷一百

賜進士出身

誥授光祿大夫刑部右侍郎加七級王昶誤

唐六十

王忠嗣碑

碑高一丈三尺三寸廣五尺九寸四十二行行九十字行書在渭南縣鄉賢祠

唐故朔方河東河西隴右節度御史大夫贈兵部尚書

太子太師清源公王府君神道碑銘

并序

銀青光祿大夫守中書侍郎同中書門下平章事集

賢殿崇文館大學士修國史潁川郡開國公元載撰

金紫光祿大夫門下侍郎同中書門下平章事太

清太微宮使鑾文崇鑾館學士上柱國齊國公王
縉書

太中大夫行少府少監集賢殿學士趙基篆額

鑾宗再受命宅帝位三十有五載兵加幽都討平匈奴
大將軍載戈稅弓來朝獻功
天子勞旋告成廻

慮西戎迺制詔丞相御史咨尔朔方河東節度支度探
訪使安北單于大都護御史大夫清源公王忠嗣統我
六師万口皆全磔裂單于封狼居山歸馬漠南列郡祁
連撫茲北荒厥功茂焉犬戎睚眦作虐西裔攘據石堡
渙獵青海皇天震怒以時致罪公拜稽首敢留

主誅猖狂先零國怨家讎建牙榆溪樹羽河源東綴飛
狐西蹙陽關本天下勁兵制緣邊万里徂長轂動雷駟
旌旄纓播干雲蔽地歛流沙而瞰烏弋吸崑崙而睠濛
汜方且繕完補缺勸穡戒車圖全遺近功盡敵非一戰
陳章立論別白甚明以孤特之姿失貴臣之意安祿山
保奸伺變忌公宿名李林甫居逼示專嫌公不附復營
平之奏沮樂毅之謀內隙外讒陰中交訕卒從吏議竟
羅大獄雖釗溫肆爪牙之毒而哥舒有折檻之爭辯牙
門之至寃逢匡石之排妬黜守汚上沒于漢東涸我橫
海鱗年終四十五羯胡得口并雲朔桂禍幽燕縱鳴騎

於兩都投大艱於區宇悲夫父

龍顏之英主感

風雲之早契散禍於微圖堅在脆軋坤改施忠邪易地
謫放隳落離披困畏人之云亡邦國殒瘁狩皇

與於巴蜀劫

宮廟於虵虺口倒持而授柄豈天

意與人事

今上撫軍用公舊校士留殘憤

將有餘雄謂諸葛之猶生走仲達而知懼及肅清東土
正位北宸傷聞鼓鞀載感風烈追贈兵部尙書

太子太師邊吏增氣三軍激節蓋念功悼枉國之任也
義明運誦神所勞也公本太原和人六代祖仕後魏爲
青州刺史北齊爲白道鎮將五代祖隨周武帝入關署

馮翊掾因徙家于鄭今爲華陰人也皇考諱海賓九原
太守安撫朔方諸蕃部落兼豐安軍使開元二年七月
以騎士屯蕭關盛秋臨刈收禿髮舉卅万衆東踰狄道
郭知運節制隴右委稼噉寇嬰城不動遂得踐圍西使
驅掠馬牛燿火照平涼羽書驚朔塞公召將校計事皆
曰衆寡不敵利病相懸濟河外之兵徵涼州之援公以
爲羌虜入盜吞噬腹心掃口口而西歸不崇朝而事去
方爲四夷恥終遺大漢羞職守封堽身爲障蔽辭難就
易進熟偷安而無後咎餘責者微諸公誰不樂此乃拔
勇簡材輕賁益馬有氣敢往不滿千人雷動颺移自辰

祖亥垂六百里突掩賊營縱吾奇兵乘彼不意披猖受
戮橫潰宵馳終夜追奔遲明會食勦歸師於濠口殲困
獸於達毗綵輜之所殘戈矛之所斃積屍將崆峒侔厚
漂血與池河爭流氣盛忘銜擲之虞戰酣無存變之意
蒼黃顛仆落於戎手亦足以暴威武於天下憺洪稜於
蠻貊五十年間犬羊遷迹不敢覘邊以取當咸皆失地
而遠客勲映古烈名垂壯籍初

龔宗省書

癸朝問故流悼偉其心而大其節哀其歿而念其忠褒
贈開府儀同三司安北大都護俾給事中倪若水乘駟
吊祭命許國公蘇頌爲之文以致意焉輕車介士麾兒

屬將飾柩護喪封墳寵葬公之適閔年初九歲 詔復

朝設大夫尙輦奉御持令中貴扶入內殿意苦而羸形
絕地瘠哀而迸血沾衣左右動容 上亦

歔歔因撫而謂曰此去病之孤吾當壯而將之萬戶侯
不足得也衣之以朱紱錫名曰忠嗣部曲主家後宮收
視每隨諸王問安否獨與 肅宗同卧起

至尊以子育儲后以兄事公亦唯專唯直不傾不
墮未嘗迂目孰云有過每歲 天子口戎整旅冬

狩秋田翼轡奉車越莽凌阡搭麟長楊掩兔黃山蹙履
輕狡流離往還斫纍益奮搏撓無前出而有獲多不自

賢

上旣知公有日碑之純固加李廣之材
氣義形於主確然秉志少而侍中慮不省事乃試守代
州別駕大同軍戎副于法大豪開門自斂賣功老將俯
伏聽令涼秋八月棄乾草腓方佯白登外馳突長城下
單戈指虜輕騎犯胡有向必摧能當輒破往往射鵬者
居公掌握中匈奴憚邊不敢拒口

肅宗口

上泣曰王忠嗣口材敢戰必恐亡之卽日
徵還守未央衛尉入侍之歲時方就冠

元獻皇

太后降家人之慈盛擇配之禮命之主饋恩情甚厚公
以讐恥未雪激憤逾深每對案忘餐或獨居掩涕

靈宗雖欲大其伸而全其屈終亦觀其志而感
其衷俾以中郎將官從徐公蕭嵩出塞但使通知四夷
事飽習軍陣容不得先啟行無令當一隊且有後命虞
其天闕枕戈假寐如 詔三年及徐公將入覲京師改
轅張掖公口口以歸報願一甘心乃候月乘風卷旗鞭
馬精兵七百弩深入鬱標川遇贊普牙官踐更角武戈
鏖山立介馬雲屯霧雨忽開旌旗相接將校失色猶欲
引馳公謂一足未移追射且盡無敢妄動觀吾破之乃
超乘貫差當前皆廢吐蕃九將臨高整旅公陷胷走腹
曲折迴旋取白馬於衆中捨大黃而益振肩倚膝蹣跚

藉蹙圯螽軼機駭群擠亂墜提刀四顧如土委地網決
網漏逋誅久矣旣伐且吊當而勿喜芟夷之又蘊崇焉
係纍之亦焚燎焉執訊獲醜何啻數千牽羊繫駒殆將
萬計擁戎州以入塞積京觀而徐迴幕府上功貳師奏
狀

上益歎息 詔令凱旋

天子御勤政樓親閱軍實太常稽憲度獎授執金吾

上亦多元戎因爲右丞相仍令圖寫置於座

隅自茲厥後恒當重任趙承先之敗於怒皆也隻輪不
返公度紫乾河虜其全部復失亡之車重杜希望之輯
鹽泉也戎侵宇下三師受擒公獨潰堅圍護經時之板

築信安王之臨遼碣也用武於盧龍塞朝鮮盛刊壘之
功口光乘之征駱駝峽也會援於李陵臺河朔受全軍
之惠初佐戎關隴分鎮河湟一之歲拔新城走莽布夷
烽壘燒積聚二之歲開九曲奪三橋梁洪河汧西海縱
雷鼓勇士厲指蹙振耀傍徨塞袞開元之末擁旄汾代
天寶之始兼統朔方獯鬻內離九姓橫叛大單于控弦
度漠聲言口附拔悉蜜引弓乘後剋口會師中使遽聞
帝思反蕩受降盡狄屈指猶遲亟決急
裝
天書百下公以爲出壘之任得守便宜冒頓
北方之強未當屈折叛胡畏服大種不輕用兵勢闊言

甘可虞他變盛師臨木刺致餽出蘭山含垢并容兩存
口口全口口重開壁堅營無名王大人到轅門受事絕
單車正馬報候吏前期防密慮周詐窮情見果穹廬桀
黠將侵鎬及方右地郅支已解仇交質幾欲圖成大禍
寧唯嚮化未醇於是設間以散其從肆諫以離其約二
虜不合遁口遠舍

天子使繡衣御史問後將軍

不念中國之費乘機之速其十一儒優遊之故且陳支
解戎醜之謀苟事得其中如將耳素料又匈奴何時可
滅公條對不羈之虜易以計破難以兵碎彼有乖離之
漸我知貪利之戒威加幽荒武暢陰海口口歸德不二

三歲因白逗留未決之狀脩列平戎一十八策璽書還
報從公所畫突厥前有畏漢之偏後有事讐之恐縮卬
遷徙散亡貧破遭罹瘡墮之患傍緣諭告之辟朝不及
夕以俟王師受言而去者什二三委辦而降者五千帳
明年秋引軍度磧定計乘虛至多羅斯壤巢焚聚涉汨
昆水下將降旗皆倒戟自殘輿尸請命斬白眉可汗之
首傳置橐街繫葛督祿娑匄可敦獻於闕下阿波達干
持愛妾宵遁乘六羸突圍嘯聚東蕃迫脅小種立烏蘇
爲君長自尊任爲賢王保薩河口以據丁零古塞謂中
國有磧鹵之限官軍無可到之期按甲休徒擊鮮高會

思歸故地卒復大名間歲方暮嚴冬仲月公出白道誓
衆自單于北伐俾僕固懷恩阿布斯爲鄉導覘視井泉
命王思禮李光弼爲遊軍收羅服聽顧万里若俄頃過
山川如枕席豈百舍之敢休不再旬而履狄夜駢胡馬
暗合戎圍自丑至辰頭駢面縛乘無物故士蓄餘怒羈
虜全國永清朔土告類上帝薦功

皇祖三

代之盛獫狁孔熾方叔吉甫駢之而已勤霍倦衛蒙亦
終斃口口築怨縻漢償費雖張愿列三城衛公擒頡利
纔遏乘冰之勢但雪涇陽之恥則自命將已來肅將天
刑誅而不伐素定廟勝陣而不戰龍荒絕貴種大漠無

王庭恢武節而振天聲未有如公之比公始以馬邑鎮
軍守在代北外襟帶以自隘奔奔衝而蹙國河東乃城
大同於雲中徙清塞橫野張吾左翼朔方則并受降爲
振武築靜邊雲內直彼獯虜巨防周設崇墉万堵開陽
閑陰拓跡爰土藏山掩陸磅礴固護西自五涼東暨漠
陽南並陰山北臨大荒聯烽接守乘高倚要塞風揚沙
絕漠起鳥悉數於瞬息傳致於晷刻塵黃不得雜其象
秋毫無以逃其狀矧襲侵與牧馬敢凌遽而南向冰河
風牡車甲鱗萃誰何疆理千長百帥秦將隸於降虜漢
卒羈於戎騎公乃衡懸華裒勢分衆寡由中制外長御

遠駕恢我朔邊有如彼圖難於易又如此當秉鈞之顯
國也巧文傷詆網密事藂借公爲資動搖

國本

諷操危法言酷意誣雖丞相置舜猶驚獄吏而貫高長
者竟出吾王成公謫居人無不恨方逆胡之地亂也意
并河東僞築雄武常山臨代飛狐扼塞制夷夏之旌撫
崑函之背徵鄰請助邀公赴會將欲詭遇買歡冀得兵
留鎮癘公先期應 詔未覩而退奏論本末之難指切
未然之戒危辭洩漏凶黨交害摘抉排折俾公終敗公
之始仕也自家移孝孤童被識策慮奮發義勇偏億其
受任也厲三軍之氣同万夫之力致誅則百蠻竦振武